



Podemos consolídase como primeira forza cara ás xerais mentres o PP segue caendo en intención de voto.

A formación de Pablo Iglesias sería, agora, a máis votada co 24,4% dos votos; o PP, a segunda e o PSOE, a terceira. O BNG obtería o 0,5% dos votos.

Un esquema político con tres grandes forzas e Podemos á cabeza delas. É o panorama que debuxa o informe de

[O Mirante](#)

, o panorama mensual da situación electoral que o consultor e analista Carlos Neira elabora para a

[Asociación de Medios en Galego.](#)

O resultado da análise continuada e conxunta dos estudos estatísticos de ata 25 casas demoscópicas dan como resultado que

a formación que encabeza Pablo Iglesias imporíase nunhas eleccións co 26,5% dos votos, medrando algo máis dun punto a respecto da anterior edición do estudo, do pasado mes de novembro

A través da análise coñecida como "*house effects*", consistente en abordar as estimacións de voto de cada unha das fontes demoscópicas sen os "nesgos que incorren as cociñas" de cada unha delas, "separando o ruído ou os desvíos debidos á súa metodoloxía ou ás contaminacións ideolóxicas", a conclusión é que nunhas eleccións a Cortes Xerais **o PP pasaría a ser segunda forza política do Estado co 24,4%, agudizando a súa caída duns vinte puntos a respecto dos comicios de 2011**

. O PSOE, pola súa banda, situaríase en terceira posición, retrocedendo tamén un chisco a respecto do anterior estudo e perdendo algo máis de 6 puntos en relación ás últimas xerais.

Alén das tres grandes forzas e da consolidación dunha caste de tripartidismo, os resultados de O Mirante indican tamén unha "maior variabilidade" entre o resto de forzas políticas, máis suxeitas á volatilidade xeral que está a caracterizar o panorama político e tamén á evolución de Podemos, PP e PSOE. **Así, IU e UPyD soben ambas unhas décimas, se ben a formación de esquerdas seguiría a estar por baixo do seu rexistro electoral de 2011 e o partido de Rosa Díez, por riba. Mentres** , Ciudadanos perde folgos nas súas expectativas de voto, pasando do 3,9% do anterior estudo a un 3,2.

Os outros movementos salientables deste estudo proceden de Catalunya. **ERC, cun 2,8% dos votos, pasa por diante de CiU e consolida o seu medre a respecto dos comicios de 2011** mentres que os converxentes perden case dous puntos a respecto daquela convocatoria. Así, ambas forzas sitúanse nunha situación de empate técnico con número de votos se ben cómpre ter en conta, subliña o autor, que "as enquisas para as xerais aínda non recollen plenamente a recuperación de CiU tras o 9-N", toda vez que nunhas eleccións catalás os de Artur Mas "volverían estar por diante de Esquerra, especialmente en número de escanos".

No que actualmente é o Grupo Mixto no Congreso dos Deputados **o BNG conserva o 0,5% de votos que lle outorgaba o anterior estudo -en 2011 tivo o 0,76%-**

. Amaiur medra levemente ata o 1% e o PNV mantense cun 1,1%. A análise prognostica tamén que Vox lograría un 1,2% dos sufraxios nas súas primeiras eleccións xerais e que a coalición de Compromís-Equo melloraría o seu resultado, pasando do 0,89% de hai tres anos ao 1,1%. A maior parte dos estudos publicados non recollen estimacións de voto para AGE, a coalición que lidera Xosé Manuel Beiras.

O método de análise

A partir do día 10 de cada mes Valminor.info publicará o informe demoscópico de "O Mirante". Unha análise demoscópica realizada polo consultor e analista Carlos Neira Cortizas utilizando o método de análise anglosaxón "house effects" que consiste en abordar as estimacións de voto elaborado por 25 marcas demoscópicas eliminando os nesgos en que incorren, separando o ruído ou os desvíos debidos á súa metodoloxía ou ás contaminacións ideolóxicas do sinal

que representa o verdadeiro comportamento do electorado. Colaboración que foi posible grazas a un acordo de colaboración do analista coa Asociación de Medios en Galego.

Entre os fitos de Carlos Neira destacan o feito de ter elaborado unha metodoloxía de mostraxe que anticipou a marxe de vitoria do Partido Ppopular de Aznar no ano 2000, a enquisa máis certa nas complicadas eleccións vascas do ano 2001, ou, máis recentemente, ter prognosticado sen necesidade de traballo de campo ningún o resultado das eleccións autonómicas galegas do ano 2012 –maioría absoluta do PPdeG de 41 escanos, e a victoria de AGE sobre o BNG. O seu último logro público foi o de detectar cun modelo de voto estrutural a sobreestimación na que incorreron todas as enquisas publicadas en España do verdadeiro nivel de apoio ao bipartidismo de PP e PSOE nas eleccións europeas do ano 2014. Un traballo que foi de referencia en diferentes medios de prensa a nivel nacional.

A web de Carlos Neira www.calidonia.eu

Descargar informe completo{attachments}